



Na osnovu člana 56. Zakona o organizaciji uprave Federacije BiH („Službene novine Federacije BiH“ broj: 35/05) i člana 95. Statuta Općine Travnik Prečišćeni tekst („Službene novine Općine Travnik“, broj: 11/05) i Odluke o izvršenju Budžeta Općine Travnik za tekuću godinu načelnik Općine, **d o n o s i**

## **P R A V I L N I K**

### **o načinu izvještavanja nevladinih organizacija o utrošku dodjeljenih budžetskih sredstava**

#### **Član 1.**

Svrha ovog Pravilnika je poticanje i podrška rada nevladinih organizacija i, povećana transparentnost u trošenju budžetskih sredstava.

#### **Član 2.**

Sredstva iz budžeta Općine Travnik se svake godine dodjeljuju nevladinim organizacijama za sufinansiranje Programa i Projekata.

#### **Član 3**

Sufinansiranje projekata nevladinih organizacija (Javni poziv, monitoring i izvještavanje) vrši se po LOD metodologiji usvojenoj od strane Općinskog vijeće Travnik.

#### **Član 4.**

Prijedlog nevladinih organizacija od interesa za općinu Travnik kao i iznos sredstava kojim će se sufinansirati iz budžeta Općine Travnik, Načelniku kao ovlaštenom predlagачu općinskog budžeta dostavlja Odbor za društvene djelatnosti Općinskog vijeća Travnik.

#### **Član 5.**

Nevladine organizacije kao korisnici sredstava iz budžeta Općine Travnik, dužne su Općini Travnik dostaviti najkasnije do 31.03. tekuće godine, Izvještaj o utrošenim sredstvima koja su dodijeljena iz budžeta Općine Travnik za prethodnu godinu.

#### **Član 6.**

Ukoliko nevladine organizacije Općini Travnik ne dostave kompletan Izvještaj o utrošenim sredstvima koja su dodijeljena iz budžeta Općine Travnik za prethodnu godinu, nevladinoj organizaciji se neće vršiti doznaka sredstava za tekuću godinu.

#### **Član 7.**

Načelnik će, u slučaju kada postoji sumnja o nenamjenskom trošenju sredstava koja su nevladinim organizacijama dodijeljena iz budžeta Općine Travnik, rješenjem imenovati Komisiju iz reda državnih službenika i namještenika, koja će izvršiti uvid u realizaciju programa i projekata i provjeriti da li su sredstva iz budžeta općine namjenski utrošena.

Komisija će o izvršenom pregledu utrošenih sredstava sačinjava zapisnik i o tome izvještava Načelnika, a jedan primjerak zapisnika dostavlja se Službi za razvoj, privredu i vanprivredu.

## Član 8.

U periodu kad se finansiranje vrši na osnovu Odluke o privremenom finansiranju, sredstva nevladinim organizacijama će se dodjeliti akontativno na osnovu zahtjeva.

Dodjela akontativnih sredstava ne može bit veća od 3/12 planiranog iznosa sredstava za tu nevladinu organizaciju u budžetu za prethodnu godinu.

Nakon usvajanja budžeta za tekuću godinu, sredstva namjenjena za nevladine organizacije realizirat će se u skladu sa Odlukom Općinskog vijeća o izvršenju budžeta.

## Član 9.

Stručni Savjetnik za vanprivredu će u skladu sa ovim Pravilnikom i drugim zakonskim propisima voditi evidenciju, pratiti dodjele sredstava iz budžeta Općina Travnik za sufinansiranje aktivnosti nevladinih organizacija i izvještavati Načelnika općine i Općinsko vijeće o utrošenim sredstvima.

## Član 10.

Nevladine organizacije kojima su dodjeljena sredstva iz budžeta Općine Travnik su dužne najkasnije do 31.03. tekuće godine (za prethodnu budžetsku godinu) dostaviti:

1. Popunjen obrazac „Osnovni podaci za nevladine organizacije“;
2. Narativni Izvještaj o radu
3. Finansijski Izvještaj
4. Ovjerene kopije obrazaca Bilans stanja i Bilans uspjeha za prethodnu godinu sa pečatom Fi-e
5. Zapisnik sa Izvještajne Skupštine o usvajanju Izvještaja
6. Kopije računa i drugih dokumenata kojim se dokazuje namjenski utrošak dodjeljenih sredstava.

## Član 11.

Planove i Programe rada, Izvještaje o radu i sve zahtjeve nevladine organizacije dostavljaju službi za razvoj, privredu i vanprivredu.

## Član 12.

Ovaj Pravilnik stupa na snagu danom donošenja i objavit će se u Službenim novinama Općine Travnik.

Broj: 01-02-1-484 /21  
Datum: 24.05. 2021. godine

Travnik



**N A Č E L N I K**

*dr. sci. Keran Dautović*